

UNIVERZITET U SARAJEVU
ELEKTROTEHNIČKI FAKULTET U SARAJEVU

Broj: 12-3234/19

Dana: 11.07.2019

Na osnovu člana 64. stav (1) tačka b), člana 70. stav (1) i (3), člana 8. Zakona o javnim nabavkama ("Službeni glasnik Bosne i Hercegovine", broj 39/14), Zapisnika o pregledu i ocjeni ponuda i preporuke Komisije za javne nabavke (br: 12-3154/19 od 08.07.2019. godine) i člana 108. Statuta Univerziteta u Sarajevu, D e k a n Elektrotehničkog fakulteta u Sarajevu, *donio je*

O D L U K U

o izboru najpovoljnijeg ponuđača

I

Ugovorni organ (Elektrotehnički fakultet u Sarajevu), prihvata preporuku Komisije (br:12-3154/19 od 08.07.2019. godine) za izbor najpovoljnije ponude za pružanje usluga sistematskog ljekarskog i sanitarnog pregleda za radnike Elektrotehničkog fakulteta u Sarajevu za 2019. godinu (JRN 85100000-0), koja se provodi u skladu sa članom 8. Zakona o javnim nabavkama Bosne i Hercegovine ("Službeni glasnik BiH" broj: 39/14) i odredbama Pravilnika o postupku dodjele ugovora o uslugama iz Aneksa II dio B Zakona o javnim nabavkama („Službeni glasnik BiH“, broj 66/16), a na osnovu Odluke br: 12-2496/19 od 10.06.2019. godine, te je kao ponuđač izabran Zavod za zdravstvenu zaštitu radnika u saobraćaju Sarajevo, jer je dostavio prihvatljivu ponudu sa najnižom cijenom.

II

Odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa čl. 71. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14).

OBRAZLOŽENJE

Elektrotehnički fakultet u Sarajevu je, dana 14.06.2019. godine uputio poziv za nabavku usluga sistematskog ljekarskog i sanitarnog pregleda radnika Elektrotehničkog fakulteta u Sarajevu za 2019. godinu na tri adrese, te isti objavio na svojoj web stranici.

Na navedeni poziv prijavila su se 2 (dva) ponuđača i to:

1. Zavod za zdravstvenu zaštitu radnika u saobraćaju Sarajevo i
2. Javna ustanova Kantona Sarajevo Zavod za zdravstvenu zaštitu studenata Univerziteta u Sarajevu.

Komisija za javnu nabavku imenovana je Rješenjem Dekana Elektrotehničkog fakulteta u Sarajevu (br. 02-2861/19 od 26.06.2019. godine).

Komisija za javnu nabavku dostavila je Dekanu Zapisnik o pregledu i ocjeni ponuda (br: 12-3154/19 od 08.07.2019. godine) sa prijedlogom za donošenje Odluke o izboru najpovoljnijeg ponuđača u postupku javne nabavke.

U postupku po Zapisniku o pregledu i ocjeni ponuda utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu pristiglih ponuda, o čemu je sačinila Zapisnik u kojem je utvrđeno sljedeće:

- ukupan broj pristiglih ponuda je 2 (dva),
- obje ponude su blagovremeno zaprimljene i
- obje pristigle ponude su prihvatljive.

U postupku donošenja ove Odluke, posebno su cijenjene činjenice da je Komisija za javnu nabavku, pravilno i potpuno izvršila ocjenu kvalificiranosti ponuđača kao i ocjenu pristiglih ponuda, u skladu sa kriterijima utvrđenim u tenderskoj dokumentaciji.

U postupku ocjene provedenog postupka, Dekan Elektrotehničkog fakulteta u Sarajevu, nije našao razloge nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku.

U skladu sa navedenim, u postupku je ocijenjeno da je Komisija za javnu nabavku u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima kao i tenderskom dokumentacijom.

Najpovoljniji ponuđač za pružanje usluga sistematskog ljekarskog i sanitarnog pregleda radnika Elektrotehničkog fakulteta u Sarajevu za 2019. godinu je:


- 1) Zavod za zdravstvenu zaštitu radnika u saobraćaju Sarajevo.

Ponuđač Zavod za zdravstvenu zaštitu radnika u saobraćaju Sarajevo izabran je primjenjujući kriterij najniža cijena, pri čemu ponuda navedenog ponuđača iznosi 10.400,00 KM bez PDV-a.

Drugi ponuđač - Javna ustanova Kantona Sarajevo Zavod za zdravstvenu zaštitu studenata Univerziteta u Sarajevu, čija je ponuda također prihvatljiva, ponudio je cijenu u iznosu od 13.260,00 KM bez PDV-a, čime je utvrđen njegov sukcesivni red.

Na osnovu naprijed navedenog, a u skladu sa članom 70. stav 1.) Zakona o javnim nabavkama Bosne i Hercegovine ("Službeni glasnik BiH" broj: 39/14), donijeta je Odluka kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana objavljivanja dobrovoljnog ex-ante obavještenja o transparentnosti.



D E K A N

Prof.dr. Jasmina Velagić

Dostaviti:

- Zavod za zdravstvenu zaštitu radnika u saobraćaju Sarajevo
- Javna ustanova Kantona Sarajevo Zavod za zdravstvenu zaštitu studenata Univerziteta u Sarajevu
- Pravna služba
- Služba za tehničku podršku
- a/a